

05 DEC 1997

AGONG HANTAR PERUTUSAN TAHNIAH KEPADA PRESIDEN FINLAND

KUALA LUMPUR, 5 Dis (Bernama) -- Yang di-Pertuan Agong Tuanku Ja'afar mengutuskan perutusan tahniah kepada Presiden Finland Matti Ahtisaari sempena Hari Kebangsaan Finland.

Dalam perutusan yang dikeluarkan oleh Wisma Putera, baginda berdoa semoga kesihatan Ahtisaari baik dan rakyat Finland berterusan menikmati keamanan dan kemakmuran.

Perdana Menteri Datuk Seri Dr Mahathir Mohamad juga menghantar perutusan yang serupa kepada rakan sejawatannya, Paavo Lipponen dan berharap hubungan dua hala dapat dipertingkatkan lagi.

"Terdapat ruang untuk peningkatan seterusnya hubungan antara Malaysia dan Finland, terutama dalam bidang perdagangan dan pelaburan," katanya.

Menteri Luar Datuk Abdullah Ahmad Badawi pula mengirinkan perutusan kepada rakan sejawatannya Puan Tarja Halonen dan melahirkan keyakinan hubungan persahabatan dan persefahaman antara kedua-dua negara dan rakyat dapat diperkukuhkan lagi pada masa akan datang. -- BERNAMA

RA oba